



Ane Hansen, Inuit Ataqtigiit  
Inatsisartunut ilaasortaq  
Maani/

**Upernaviup eqqaani immikkut qilalugartassiineq pillugu Naalakkersuisunut  
apeqqut normu 126-mut akissut**

20-06-2014  
Suliap nr 2014-100792  
All. nr. 1611982

Naalakkersuisut ulloq 11. juni 2014 Inatsisartut suleriaasissaanni § 37 naapertorlugu apeqqutigineqartut Inatsisartunut ilaasortamit Ane Hansenimit, Inuit Ataqtigiinneersumit, saqqummiunneqartut tiguaat. Apeqqutigineqartut uanga suliaasaqarfisannut akisassanngortinneqarput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

*Upernaviup eqqaani immikkut qilalugartassiissutit qanoq agguaanniarneqarpat?*

Ad 1.

Naalakkersuisut aalajangiipput Upernaviup aqutsiveqarfiani qernertartassat 30-nik ilaneqarnissaat.

Nalinginnaasumik peruserineqartarpoq aqutsiveqarfimmut pisassiissutigineqartut kommunit nammineerlutik sumiiffimmi illoqarfinnut nunaqarfinnullu agguanneqartarnerat. Innersuussutigineqarpoq tamatumaniissaaq kommuni nammineerluni pisassiissutit sumiiffimmi illoqarfinnut nunaqarfinnullu 2014-imut pisassiissutit piniarneqarnissaat, qilalukkat ingerlaarfii piniartullu amerlassusii eqqarsaatigalugit agguaatissagai.

Inassutigineqareerpoq immikkut pisassiissutaasut kommunip nammineq agguaatissagai, taamatullu pisassiissutit pisarineqareerpata kommunit ataasiakkaat nammineerlutik qilalukkanik qaqortanik qernertanillu illersuineq piniarnerlu pillugit nalunaarummi § 13, imm. 4-5 malillugit pisassiissutit sinnerisa agguanneqaqqissinnaanerit atoqqullugu kaammattorneqarmata.

*Qeqertarsuup Tunua eqqarsaatigalugu immikkut ukioq manna qilalugartasseeqqittoqassua?*

Ad.2.

Naalakkersuisut isummerput, nalinginnaasumik ukioq manna immikkut pisasseeqqissutaareersut 2013-imilu pisassat nungunneqanngitsut nuunneqartut saniatigut, immikkut pisasseeqqittoqassanngitsoq.

*Ukioq manna Qeqertarsuup Tunuani siorna qilalukkat pisarineqangitsuukkat sumut nuunneqarpat?*

Ad.3

Siorna pisassiissutit nungunneqanngitsoorsimasinnaasut uumasogatigiit immikkoortut ataasiakkaat iluanni ataatsimut agguagassanut nuunneqarput. APNN-ip pisanut nalunaarutit tiguneqartut tamaasa mississortarpai, tamakkiisumik pisaasunut aamma pisassiissutit sinneruttunut aamma pisassiissutinik sippuisimasinnaanernut sanilliuttarlugit, taakkulu uumasogatigiip iluanni ilanngaatigineqartarput. Kommunit ataasiakkaat pisassiissutit nungunneqanngitsut nuunneqartut uumasogatigiit immikkoortup ataatsip iluaniippata nammineerlutik agguaattarpat.

Erseqqissaatigineqassaaq, qilalukkanik qaqortanik qernertanillu illersuineq piniarnerlu pillugit nalunaarummi § 3, imm. 5 naapertorlugu piniakkat killiliivigineqarsimaffiit pisassiissutit sinneruttut nuunneqassammata. Tassani immikkoortoq 1 malillugu kommunalbestyrelsi agguasseqqittassaaq. Tulleriaarinermi aqutsiveqarfiit sorliit pingaarnerutinniarnarlugit nammineq aalajangertassavaat.

Qeqertarsuup Tunuani qilalukkanik qernertarniarnerup nalaani piniarnermik aalisarnermillu nakkutilliisut sisamat taavaniipput nalunaarutigineqanngitsunik pisaqartoqarsimaneramik nalunaaruteqartoqarnera tunngavigalugu nakkutilliartorlutik. APNN-ip piniarneq misissuisoqarnerata nalaani unitsippaa. Aqutsiveqarfiit pisarineqartunik nassuiaaqattaareermata piniartoqaqqissinnaalerpoq.

Suliap naammassineqarnerani pisanik nalunaarutit aqqaneq marluk suli amigaataapput. Qilalukkanik qaqortanik qernertanillu illersuineq piniarnerlu pillugit nalunaarummi 2011-meersumi § 7 malillugu ukiumi pisassiiffiusumi imaluunniit ukiup pisassiiffiusup tulliuuttumi unioqqutitsilluni pisaqartoqarsimappat kommunimut pisassiissutinik appaasoqarsinnaavoq. Taamaammat aalangiisoqarpoq pisat aqqaneq marluk nalunaarutigineqanngitsut Kalaallit Nunaata Kitaani 2013-imut qilalugartassiissutit sinnerinit ilanngaatigineqassasut. Taamaammat pisassiissutit sinnerinik agguassineq imatut isikkoqalerpoq, takuuk tabel 1:

Tabel 1:

	Pisassiissutit sinneri '13	Iluarsissuteqarluni agguasseqqinneq
Qaasuitsup Kommunia – Qimusseriarsuaq	9	9
Qaasuitsup Kommunia – Kalaallit Nunaata Kitaa	10	0
Qeqqata Kommunia	4	3
Kommuneqarfik Sermersoq – Kalaallit Nunaata Qeqqa Kujataalu	1	0
Katillugit	15	3
Kommuneqarfik Sermersoq - Tunumi	22	22

Takuneqarsinnaavoq kommunit pingasut tamarmik pisassat 2013-imeersut sinnerisa ilaannik ilanngaavigineqartut.

Ulloq 7/3 2014 aqutsiveqarfik Qeqertarsuaq qilalukkanik qernertanik pingasunik teknikikkut pisassinneqarpoq. Qeqertarsuup Tunuani aqutsiveqarfinni pisassiissutit ullumikkut imaalerput:

Aqutsiveqarfik	Pisassiissutit sinneruttut
Uummannaq	37
Qeqertarsuaq	2
Ilulissat	0
Qasigiannugit	1
Aasiaat	3
Kangaatsiaq	0

Erseqqissarusuppara: Aasiaat pingasunik qilalukkanik qernertanik tunineqanngimmat, qilalukkat qernertat pingasut Aasiannut sinneruttut tassaapput januar/februaarimi pisarineqarsimangitsut.

*Immikkut ittumik qilalugartassiinerit pillugit Pinngortitaleriffik qanoq naliliiva*

Ad. 4  
Pinngortitaleriffiup Qimusseriarsuarmi qilalukkanik qernertanik pisassiissutit 30-nik amerlineqarnissaat kaammattuutigisinnaangilaa. Tunngavilersuutigaat pisassiissutit qilalukkanik qernertanik 30-nik amerlineqassappata qilalugaqatigiit ukiuni tulliuuttuni tallimani suli amerliartuinarnissaannut ilimanaataa 50 %-imik

*minnerummat.* Taamatuttaaq qilalukkat qernertat qaqortallu pillugit ataatsimoorluni ataatsimiitaliarsuup (JCNB-p) uumassusilinnut tunngatillugu siunnersuinera nutaanerpaaq 2012-imeersoq malillugu tamakkiisumik 111-nik pisassiineq nutaaq piujuartitsinissamik tunngaveqassanngitsoq.

*Pinngortitaleriffiup naliliineranut illuatugiliuttumik Naalackersuisup naliliinermiini suut tungavigai taakkulu ilisimatuussutsikkut uppersarneqarpat?*

Ad.

5

Immikkut qilalukkanik qernertanik 30-nik pisassiissutit naalackersuinikkut pisassiissutaapput. Tunngavilersuutaavoq taavanimiut taamanikkut allanik isertitaqarnissaminnut periarfissaqarsimannginnerat. Qilalukkat qernertat pisassiissutit tamakkerlugit pisarineqareerput, puisit amiinik tunisineq mamaarnerisa nalaani unitsinneqarsimavoq taamanikkullu qaleralinnik tunisineq matoqqasimalluni.

Inussiarnersumik inuulluaqqusillunga

Finn Karlsen